

白  
華  
後  
稿

白華後稿卷之三十一

南滙吳省欽沖之篋

男敬樞星宰  
敬沐起元枝字

古今體詩十一

強圍大荒落

恭和

聖製新正重華宮茶宴廷臣及內廷翰林用平定苗疆  
聯句復成二律元韻

天戈擣處百靈扶逆命苗驚剗電無在泮鴉音歸憬悟  
當車螳臂敢支吾渠魁戢戢皆殲厥神武洋洋不殺夫  
成績十全今衍一太平多慶萬方媿

左个新韶占十日西清有耀  
鳳鸞書行茶令典重循  
此

祈穀良辰適遇諸三捷歡方騰爾衆一夫辜每  
傲惟予聯珠再仰

天章倬

敕命時幾頌偉歟

三月廿三日穀雨玉田行館牡丹言有白者次

壁閒顧伴樂孝廉韻

誰把花田玉種成一枝端合玉盤盛也吹瓊樹風前信  
祇伴瑤壘月下行浴罷華清終寂寞隨黃紫倍分明

偶然穀雨尋詩處文學江東識姓名

豐潤行館海棠歌

有序

館主魯鶴家也海棠在西院大合抱枝枝直上加丹樓  
憶辛亥二月過此未蒔蕾也

海棠窠誰種汝汝家近京東汝根移西府身如牛醫葉  
如翠羽千條萬條迸一窩碎翦隋宮綠後許葢含紅稻  
粒花鋪赤玉鋪豈無垂絲別種闌裊艷何汝亭亭節梗  
爭參天我疑汝睡未足圓曆朝酣開甕熟我疑汝香暗  
銷游蜂浪蝶連牆捎我住錦城五春希見汝當九錫汝  
汝其遭良隅一株朕嬌姪雖係分枝亦偏霸法源寺裏

看花人相見應憐格居下昔我行繞樹今我行賞花遶  
樹不若青棠之蠲忿賞花不若彩筆之摘華催粧五風  
洗粧雨折枝雁髻謝花主詩顛縱似海棠顛忍把魚頭  
酒嚙撫曩在江州庚溪董觀察每以酒澆魚頭酌我  
言其鄉多嗜此今觀察歸道山久矣故及之

遷安食卜梨

卜家營是張公谷種遍山梨鴨卵圓落手滑疑皮早脫  
冰刃脆變核休拘商花北果宜因土雨濯風披命信天  
聖世不爭園圃利剗筐喚賣笑投錢

四月望後重過玉田館白牡丹示李生

真見蛾眉淡掃成冰壺四照曉珠盛穠華氣象人全忘

澹沲風期我並行  
幾朵欲簪霜鬢老  
一株愁掩粉牆明  
何當起似從姚魏  
笑署京東李白名

同遊諸子見和白牡丹詩再疊前韻

不道胭脂畫不成  
在瓶應配玉蘭盛  
蜀中寡女關心伺  
洛下書生擁鼻行  
傾國別呈風貌  
嫖豪家偏賞月華明  
羣公盡是清平手  
好繼我鄉白燕名

永平食黃花魚卽我鄉之石首而小津門亦有之皆海產

無笋無櫻四月天  
尺鱗入饌見猶憐  
紛投每笑鱗多骨  
扁歷休同鰲失鱸  
北海攜尊知獲萬  
南風起汕夢歸田

端詳石齒班班在具體雖微爲哆然

土木顯忠祠

浩劫乘中葉強酋偪大朝青編銜國僇碧血濺天驕  
宵城隍讖蓬蓬土木妖論功誰玉蟒司禮自璫貂本  
乏長陵策輕游絕漠徽金甌成一錯瓦注下重霄龍  
虎訛先警泥沙勢屢漂北轍長促刺東篤尙迢遙援  
騎驚全覆移營擬急跳藎塵呼解袒殺氣動聯鑣榮  
澤旗須去韓原轍竟邀見危胥授命遠廟不爲祧  
雁塞黃袍返狼山白骨銷和成由戰決寇禍爲閹  
招主辱臣宜死名存節並昭更聞忠肅墓顯夢報  
笙簫

新保安謁沈貞肅祠

北郭匈奴騎東窗宰相家致身扶赤日抉眚鬱青霞政  
行三遷滯咨謀一秩差訓擇棄孺原骯髒請劍獨嗟呀  
罪止窮荒竄威先大杖加嚮風爭倒屣殷地慘聞笳每  
獻丁男級爲紆甲士網縛芻排魁魁叢矢麗磨牘作賦  
籌邊切投書節鎮賒轉喉言觸諱喉口教通邪巢破難  
完明株枯旋茁芽遺文寬禁約屢詔予褒嘉剝喪非無  
漸權奸亦有涯光連錦衣幕宛吐白蓮花溝壑孤臣願  
祠堂卒史誇椒山眞繼起憑弔此龍沙

謁清節祠

有序



祠在盧龍治西北十二里首陽山山夾灤水與孤竹君  
祠對首陽三覓唐風卽今中條山曾子所謂二子居河  
濟間也史記叩馬餓死後儒以史公多未實不降辱是  
清從父兄是仁自孟子止稱伯夷後每因之謹衷孔子  
之論題此

四極題觚竹千鈞引墨胎並行光日月特立起風雷次  
及常倫變孤芳逸格賅王封傳尺地父命繫杓魁得國  
情何忍潛身分不才黃農都滅沒河濟幾徘徊輾轉干  
戈動淒涼玉馬陪采薇歌致慨樹粟迹難迴列表班生  
亞分圭宋代排義聲徒小小清量尙恢恢舊城山名麗

崇祠水道隈朝冠儀象儼殿室 御碑開木主先君座  
簾嬰仲氏臺荆吳字至德滅札釀餘災行潔蠅誰點吟  
微蚓自猜仁賢衷孔論隻出孟韓裁

戲題水墨遠摩

矯首空江外脩然清淨身何如金粉筆淡寫鞞羅塵

休寧鮑氏墓圖

有序

鮑舍人士貞於癸丑秋葬其高祖妣一百一歲貞壽方  
安人於吳塘山而以其曾祖質庵中憲祔踰年卜築博  
塢吉地葬其曾繼祖妣繪圖乞詩各係一律

百齡表貞壽挽鹿緬清芬淡土淹雖久重孫役最勤松

雲黃嶽路草露鮑家墳母曰嗟予季無慙誓墓文  
二母今同穴當時作後先所天離近合此地夜爲年墨  
食孫曾告彤書女史編吳塘連葉塢應並大雷傳

俞貞女所畫女貞木

貞女字杏貞無錫人許嫁拔貢生高郵金蘭  
金卒後數月女歿於療篋中遺所畫冬青一  
株其兄坊哀而乞詩

鬼律縛女青霜華散青女女貞字冬青青青耐寒暑未  
暑先著花旣寒不落子寡女旦旦心一慟舌如此不羨  
松柏茂焉羨桃李濃血痕顯枕上墨蹟沈篋中願將女

貞葉似作寡女絲彈作寡女吟黃鵠鳴聲悲願將女貞  
木植彼寡女墳旌彼寡女閭彤管清徽聞思女阿母啼  
憶妹阿兄悼想像望夫人夜臺獨含笑

題查榆墅內弟遺照

畸士如黃華不采守窮鞠灑然遺世塵離閒寄芳躅倚  
石眇停雲顧影憺幽獨無弦琴亦彈不巾酒旣漉言采  
課山童爛爛彌巖谷載懷粉榆情矧託葭莩族展卷人  
已遙何以慰春呂疎柳帶夕陽歲華感難贖爲語折腰  
人有花比烏屋

君世居有性丹花時顏盛蓋明萬  
歷閒物每屬石帆兄弟善護之

八月一日東兵將山陸入楚乃泛舟津淀旬日

抵省作

駕鯉琴高路未賒果然八月泛秋槎遊魂自懽鮮明隊  
名士誰登薄笨車鷗鷺作羣漁釣侶菰蘆爲岸水雲家  
何當芳甸春耕日跪捧長楊奏

翠華

重陽登定州試院後樓次壁間韻

秋稷平臨景色開埽殘禿穎笑重來軍連魏博雄三鎮

蹟問韓蘇

幸五臺

行殿爲衆春因舊址

駕幸五臺顯此 繹絡

兵車行不斷

時索倫兵征楚蜀匪賊過境

公茫師友逝難回

宗伯定國師和

有堂總憲詩昔勒石陸帶塘淳宗張瘦銅莫言買醉能  
填則埽壁題之而不署名餘子多不相識

平日好倚危闌小遲徊

切漢樓高鎖鑰開如雲嶽色傍人來河非漢主追兵渡  
塔是韓王料敵臺霜信故催黃葉下沙光遙襯白翎回  
明朝又發臨歧感馬首吟鞭一袖徊

重陽後二日登鎮州試院後樓

六州聯臂擁旌旄院危梯結構半文武同龕如在上

樓有神象三

弟兄聯轍此登高舍弟三試此未嘗雲浮西北

炊旋起日照東南浪尙洶異隅積潦未消莫話漢家興廢事鄣

臺代邸一秋毫

十月七日午飯雨花巷張平山詩濤以滌松草

急遞索題用壁閒吳文簡襄韻

白雲谷  
朝辭柏林寺言啜午時茶  
貽我滌松咏披吟松影斜  
千程盤隴蜀廿載夢鄉家  
若話尊鱸味應同感歲華

重聽雨花菴示滿公次壁間韻

征人憐壤壤冬夏總宜茶  
入寺如禪定看詩又日斜  
鴻高寒變陣樹老葉辭家  
試領西來意星星攬鬢華

邢州試院與金力農世熊感舊

短夢模餽四十年江亭香火醉陶然  
每勞交論陪吳質  
竟許書名敵鄭虔  
耄老漸宜親裹藥  
官貧容易說歸田  
相逢儂數滄塵感文字緣空不離禪

十月八日重過圓津菴示月如上人次章指方

恪敏養病修寺及令姪來青觀察重修事

往復輪蹄似水忙，  
舉帷合指贊公房。  
茶寮細認前朝碣，  
蓮座新披此日香。  
俗駕淡隨蔬笋供，  
佛心閒付鉢衣藏。  
誰能徑上三層閣，  
吹度松風萬壑涼。

成佛生天事偶然，  
打鐘飯後淚常懸。  
金銀寶氣僧偏識，  
粟布賸私客尙填。  
蓮社光華畱故事，  
竹林恩誼證新緣。  
分明舍宅裴丞相，  
欲放三霄鶴影翩。

四句反用公孫平津事

社南社北曙烟開，  
落木蕭條白雁迴。  
爲倚川原宜把盞，  
不須春夏始登臺。  
莊嚴初地尋常見，  
風雅多師什百該。  
吟望二西官吏部，  
詩囊檢點愧非才。

壁間舊刻宋太守西陂湯少宰西厓



詩予近選  
吏部故云

題于益亭太守見示文襄公送殯詩卷

萬種人間世熒熒血淚霏縱忘家付督那忍殯將歸東  
海門終大西河杖已違金沙堤路永宰樹想依依

落落元登相如公是列星五官驚並用一葉痛先零豈  
忝文襄謚猶通翰墨靈編年排集後擬附議郎銘

門生門下士文譽感恩私門戶公何有文章我自出欽

東阜師門公每語人以古賦詩相逢矜抱硯爲語報含

飴掩卷懷三歎靈風盡滿旗癸未劉文定爲館師甲申

列欽壬辰賦欽入蜀辭謁文正歎曰子歸吾不知尚及  
見否再歎曰子去不知川督爲誰三歎曰子去吾信子

不兵學政的驗文正以甲午秋歸  
道山今讀公第三詩注可勝泣下

附于文襄公亡兒歸殯有日詩以寄慟原作

遺體從茲隔喪歸不可畱扁舟隨逝水九日觸悲秋

喪于重陽日發引汝壯猶黃壤吾衰况白頭西河常引戒至

此淚難收失恃憐渠小將劬屬我任隱憂一子險

珍愛廿年深兒失母時甫十五豈易晨昏慰何期夢

幻侵新愁繁舊恨追憶倍傷心修短知由命盈虛

敢問天我躬容有孽汝行信無愆牘每存矜意人多

誦天年得邀元老惜應不憾生前兒在部署五年諸

許聞其亡哭之曰爲朝廷惜此人兒固不足當此過情之語然死而有知庶幾瞑目泉下乎

垂

暮嗟亡子承先賴有孫待看若輩長可及老夫存緘

慟馳千里舍館報九原

兒幼時太夫人以止一孫愛之特甚今得地下相依猶勝

余之夢隔慈顏也

祗期南店月雙照妥歸魂

兒初娶錢塘徐氏先亡今將合

南店

和壽雪少司寇丁巳八月二十七日七十初度

時扈

驛回至兩閒房途中誌感元韻

七葉門風扈七車彎環谷口似褒斜五更霜白濃欺雪

萬樹楓青頽勝花家有 賜園懷里第人從陪

輦感年華水精靈物生同日長泳

恩波測

聖涯

曙上海喬涇玉繩覆棧

白華後稿卷之三十八

南漚吳省欽沖之墓

男敬樞星宰  
敬沐起元校字

古今體詩十二

著雍敦牂

二月初八日同紀宗伯

酌

慶金二司馬

桂士松趙

少宰

佐

蔣韓二少司農

賜榮錄

宗室倉帥

宜興

熊少司寇

收

蔣廷尉

白綸

汪副憲

承需

莫京

尹

瞻祭

衛侍御

謙

集劉倉帥

秉恬

寓而梁司

寇

肯堂

居賓席次日司寇復邀集於劉寓和

劉紀二公原韻

中和時候傍光天置杖招邀轡並聯觀禮有懷依

講案承

恩何幸話耆筵事同飲醪須洪飲人到年

高那諱年若向東平紬掌故青雲皓首勝前賢

桃花幾樹點春英排日寶酬主獻成松柏老蒼纔見性

絲簧錯襍且陶情一堂笑語歸

仁壽八座傳呼際

聖明十五人年干又四靈椿長此證莊生

德厚圃侍御

生

寒香課子圖

闕官抱冬心蔬圃限方幅築室三兩楹一編味寥寂忽  
逢窈窕姿移裁作香國花開有盡時卷開無餘力所課  
知幾何淹旬帙盈尺枉笑西谿邊探梅復何益歲月嗟

不居喬南隔梓北其季升玉堂其孟登桂籍徒吹仲氏  
簾竟折桓山翼哀樂感中年教養眷疇昔清芬在先人  
此圖亦粗跡伊予申浦東繞屋種什百虛負三餘功滋  
媿二聞得孔懷幸同懷奉使轂交擊犯暑賦長謠筆向  
冰壺滌

爲法司成梧門題所居西涯十二景

詩龕

書堂掩懷斲光燄射南斗覓句坐虛龕得似閉門否

松樹街

松徑引來轍鬣鬣搖秋聲蒼然翠濤合衣上漏晚晴

清水橋

琴筑響不斷暮烟橫復斜侵曉殿齒滑有人喚賣花  
鰕菜亭

草亭象孤笠圍以風前柳種菜與撈鰕那得閒身手

淨業湖

照業我不作白業我亦無前身是明月夜夜照秋湖

積水潭

問水何從來問水何從積分付洗煩塵一雨瀉寒碧

滙通祠

玉泉混混來紆迴徑幾曲落日數上鐘聲佛火淺深綠



慈因禪院

佛說六根淨最忍斯最慈頭陀報粥鼓時聽馬驕嘶

李公橋

古稱謝公墩茲號李公橋李公非西涯可憐瑞與貂

豐泰庵

名僧苦未逢隱隱經聲宵試焚柏子香柏子禪多少

慧果寺

三門慧普願譬若智仁勇試上明鏡臺慧業現種種

十刹海

予以丙午戊申己酉視武鄉試外場皆宿此刹

十刹祇一刹人海容棲遲昔我每三宿髣影涼絲絲

彈琴峽

阻絕居庸道輪蹄罅石穿忽紆千曲礪如弄七條弦清  
聽勞塵洗嚴程古堠聯佐盧還往熟剔辭認題鐫

沙城雨

暴客重門待三城絡一城塞沙粗入米夏草淺抽萌布  
褐攔街賣琴瑟倚戶鳴茲宵來好雨應遣驛塵清

食蕨

華外謂之  
青葙菜

萬古酸寒菜何年號吉祥握拳叢未老搗粉種偏良頗  
具神蓄體誰爭野菽光試論薇赤白同配食單嘗

屠維協洽

補竹圖照

馮鑑之得貢宣城張伯雨揭曼碩倪雲林所  
題吳仲圭畫竹詩辭而畫已亡倩人補之以  
爲真照此丁亥事也閱今三十四年重裝乞  
詩年八十五矣尙似五六十歲時爲題

馮公住西郊耕養藝通六不歎出無車不恨食無肉公  
然推素封不種千畝竹愛之斯貌之隔岸面濃綠負以  
青琅玕片石藉苔褥足爲涼鷺翹頂作枯楊秃手攜錦  
暉卷宛向此君告禾中梅花菴菴衲抱遐躅譜凱之一  
編寫與可幾幅錯落散人閒題辭契句曲題詩揭與倪

貢老標名獨所畫雖失傳所題寶如玉試煩懷瑾估先  
請孟端續三尺二尺間緣坡復翳谷梅菴若可呼竹徑  
亦堪蹴見說竹邊人齒近濟南伏圖成卅三年量溢尋  
常福曜首映丹顛風概宛如夙吾衰今放歸本乏舊松  
菊願從上番移粗待小園築否卽辦鞵才乞畫且醫俗  
乞詩還滿家好入消夏錄祇愁吳市兒付裝溷一簇畫  
麕跋則真跋真畫斯蹟多公癖嗜古補筆弄方櫃割裂  
歸渾淪置身謝碌碌我詩等補脣補亡夫豈足陳義終  
弗護條然響窗屋

徐臨泚以食不重味見讚次韻酬之

不信無田便不歸兩家合占釣魚磯頻勞鼎肉來分饋  
懶爲膏脣定擇肥擁數卷書知味鮮款五更枕養生非  
予不能安寐  
已二年矣與君共過牆頭酒述舊纏絲忘掩扉

予與臨泚斷酒已久田各可耕用懺前作

扁舟先後賦言歸絲粟銜 恩感激微 賜果尙畱懷  
核重得魚那羨食蕉肥青袍同輩惟君是紺髮真仙顛  
我非臨泚頰髮  
返黑甚夥斷酒卅年誇鬥酒酒帘錯莫傍吟扉

上章涪灘

姚一亭觀察菜菊遺照

先皇歲辛酉吾生及舞勺知有一亭翁奄化遼東鶴起

家進士科觀禮守常博再遷憑畫輦玉節指沔維蕭然  
奉諱歸田廬不暇聖挑燈讀父書頓遣松風作於時點  
漆工眞形寫淳泊椽笠涼絲絲芒屨輕躡躡索帶披寬  
衫佳色映籬落是爲采菊圖芳塵閉高閣昔搜爾雅箋  
釋草詮名各鞠也黃而團謬種妄依託瑣屑搖軒輝天  
斜護簾幙豈知栗里門淡如抱寥廓采采要令辰沉沉  
感清酌荏苒六十秋祖視此猶昨我懷餐英人平視蘭  
社若菊實如日丹食者勝靈藥筆到意本隨事往澤爾  
護何處無黃華幾人戀邱壑何輩無影堂幾家憶祠禴  
卷圖太息三秋窗打林籜

庚申季秋十八日予初舉子名曰敬沐喬鷗郵

同年以詩見賀次韻二首

昨秋歸棹爲休官今展重陽且整冠莫道七旬垂老健

久憐一索得男難邑無寶劍芒交射先二夕火光如斗墜入籤比

靈著彗預端去春乞正陽廟籤有婚姻子息莫嫌遲之句作使外孫騰笑口

悄窺小扇勝瞻瞻

嗣息輪黃遲入官尙教挾策守儒冠縱非抱璞勞三獻

豈望生稊說二難佳氣葱蘢占有兆八月初益梅喜心

顛倒淚無端丁寧湯餅筵前客慎勿形名慕管韓

徐玉崖觀察寄書馳賀並以如意藏佛惠存再

盤前韻

一握分頒記在官金身高綴寶珠冠雙緘齋到吳江冷  
萬里攜將蜀道難歡喜因緣生膝上蒼茫情思集毫端  
徐卿二子今強壯動我吟懷續孟韓

祐堂姪自下沙來言聞喜甚速三疊前韻並寄

八姪都中

得子喧疑報得官海東頭路識衣冠鶴羣散似干支遠  
熊夢茫如一第難舊宅流沿詩禮後新祠迢遞水雲端  
爾曹嚮學安時命莫倚門牆半出韓

本科門下士典試者八人順天江南

一各



得稷堂弟書四疊前韻

洞庭秋葉謝炎官喜接音塵首不冠吳會鄉心縈繞遍  
長安家累掃除難報將異事資談藪錫與嘉名待履端

時請爲  
椒沐字

安得擁鑪煨榭樹嶽雲無際一開韓

送喬氏女歸上海五疊前韻

中年生女祇隨官此日催歸髻擁冠舉案從夫齊贊好  
搗衣詈弟楚纓難明知外向恩偏重爲語前修教預端  
踰月寧親來膝下漫耽樂土莫如韓

竹橋姪寄諸服食詩以報之並寄槐江南陽軍

營六疊前韻

江關辭賦記求官悲藉而翁爲正冠駱馬鬣時緣竟錯

鰥魚泣後種應難較量胡顧吾猶亞

光山胡文良公生今總督季堂吾邑

顧東浦侍講生今霸州牧賓臣時年皆七十三

輕薄盧王爾最端想像平安軍

火夜鴿原消息過梁韓

注從父前子名之義

寄立厓同年七疊前韻

八九行年耳曠官聞君長戴獐皮冠折麻芳訊重關道  
解佩前遊一區難造物忌名猶尋後人情好怪不求端  
嵩看竹徑鄰桃塢可似梧桐樹屬韓

玉崖和詩再疊前韻

果然有子果無官事足身輕幘岸冠蒼狗離雲遷變易

白頭舊雨過從難，豪兼詩酒推雙絕。福在兒孫謝百端，  
欲習鮮卑輕情語，不妨枕石效三韓。

庚申生日用舉敬沐詩韻

暴謔鄙陽致失官，有人還詫沐猴冠。

申歲爲猴浦東謂幼穉曰猴子猶云

犬子老莊山水閒，心遠夷惠風期古處難。老大桑蓬嗟改

序飛沉金羽話更端，我生先後多存歿。口號吟成感沈

韓雲椒沈尙書以十二月十五日生今歿十二月十三日韓蘭亭生今存予生則十四日也

塔上海喬塗玉繩覆校

白華後稿卷三十玖

南匯吳省欽冲之暮

男敬樞星宰  
敬沐起元 校字

古今體詩 十三

重光作盪

題立崖天遠歸雲圖

立崖長予一歲五十三歲歲戊戌以漢陽司  
馬假旋圖此畱圖於吳而赴楚旋戌伊犁乙  
巳歸金閨七十三歲庚申其姪於禾中購歸  
頃寄書索題且囑爲長慶體

晴雲紅簇桃花塢吹落江洲弔鸚鵡楚天路遠祇涵秋

吳地春歸客，滯雨歸山。仍是出山人，交翠虛堂妙寫真。  
且向白雲怡，獨自好從明月悟前身。此圖卻比周南滯  
此人旋造玉關東，災生豈分及池魚。志在將毋同樞驥  
草淺風低斜照黃，淒清邊調咽伊涼。忽扳楊柳諧羌笛  
要把蒲萄汎洛觴，令威本係遼東鶴。鶴市迴翔認城郭  
當時出岫也無心，此日栖簷差有託。金題玉躐付飄蓬  
五十三參色相空，手蹟幸逢佳子弟。心機懶鬥老天童  
雲去雲來忙底事，絕域名刀環特賜芳草。雖沈黃鶴蹤  
寒蘆猶裊青衫，汨雲水吳淞感斷昨秋纜。一索生男  
諸君得卷吾題卷，都入編年七十三。

徐香沙秋江觀濤圖

我今七十三君亦六十五鄉居隔郊居一水限黃浦平  
生湖海駕暮氣憚帆艣相望不相識誰與貌眉宇出葦  
初沿緣題襟交媿媿往聞開選樓珪璋在文府鄙製多  
見收予季亦藻斧詒癡符豈然杜德機焉取學舍雖打  
頭金焦歷檐廡曠望湧素濤如翔白鷺羽鶴鶴盤寥空  
龜鼉踴幽渚長年挂六幅健比六鈞弣當風殊快哉跋  
腳謝塵土將毋破浪心而龔觀濤語觀濤推廣陵七發  
太醜縷豈必指地雖畫於越吳楚後賢聚一閩水濱其  
問否叫我昔誇壯遊直泝洞庭許亦窮羊膊嶺濫觴泛

漣乳入峽餓虎摩出峽神鴉舞回念乘船危敢和叩舷  
譜彼岸幸到來展圖等談虎荒洲緬舊廬何日拜祐主  
予家自丹徒遷下沙已五世徘徊喚鶴灘爲羨赤松伍渡江吟早傳  
翦水編還撫夫人磐山女史有翦水山房詩稿

陸雪堂松下聽泉圖照

高松纏藤蘿逕薛綠無罅盤陀偶晏坐消散脫巾帔了  
無耳耳那遣箏笛馥微聞謾謾聲好風半空下澗口  
鳴石泉衆響競紛射向非山水音塵鞅曷由罷家山雖  
一卷點景故妍姪細林著蕭梁後有羽人化所繫旣可  
前新枕亦宜稼憶同諸阮游蒲塘同年及葛雲兩令叔蛇壑閱奔瀉

顧我逾七旬塞耳丸泥乍幽田失其官清聽已長謝差  
擬抱琴來屐賣一凌跨春秋兩社時治龔乞杯罍

題鑑堂太守松石泉清賞圖并送其秩滿行

觀

高松高百尺夫子是松身祇飲松江水長忘石凍春松  
陰濃偃蓋石蘚細鋪茵領畧無邊景悠然卸角巾

庭前小松樹離立早成行手種勞培溉心期尚老蒼  
雲衫帶澗照水髯延涼都講今凡幾依依不可忘

我聞蕭散騎北嶺一彈琴復此見清節何時無賞音  
征夫原隰駕靜者郡齋心送遠重陽近春回佇盍簪



題唐翁澤琴鶴圖

淳泊師琴德幽閒玩鶴情承家漢循吏就學魯諸生湘  
水清連底吳山翠自橫多君抱琴至沙鶴亦孤鳴

楊挹案釋烈小照

不道如舟舍田田葉滿池爲呼童試茗肯責子爭梨翻  
水傳經熟將車問字奇巾衫圍竹柏對影綠差差

元默閣茂

次張悔堂司訓原韻贈徐楚畹茂才

了無縞紵贈徐君高論驚排詛楚文

承示葉公問政及  
近者說二句文俱

正平子占星人善賦嚴遵居肆客聯羣艱難尙喜存皮

骨聊浪何妨託水雲兩度觀濤嗟失士

甲寅乙卯予與浙試時茂才卷

未與蛟龍終起曲江濱

劉生鳳千有陳供奉

枚

折枝牡丹曾題句而失

之頃白都返舊林見鄰園此種甚富而生書堂前數本予下榻時所吟對者尚無恙也補亡感舊依清平調作三絕

四紀豐臺玩物華千頭芍藥爛蒸霞須知婢有夫人在訪遍家園信息賒

陳供奉探徐黃祕低挂書堂幾折枝苦向劉郎話前度

毘藍劫盡鬢飄絲

白華後稿

卷三十玖

笋熟茶香穀雨天補亡詩就未花前巧偷祇悔當年錯  
空對沉香象惚然

恂齋松間泉石圖

入山豈在深而勢取平遠蓬蓬雲漸生習習風交散非  
無干霄質而作孤蓋偃冒彼藤與蘿束縛頗宛宛伊人  
選石牀苔污衫痕滿科頭復箕踞彷彿聽絲管知是礪  
壑聲一爲世塵滯招隱庶可諧學道未云晚消搖策杖  
心寂莫采芝伴何處訊西泠清鐘隔重坂

陸息游自鋤明月種梅花圖照

風信有梅花前身是明月月華四照之如水復如雪卻

笑看花人未解種梅訣種竹鸞尾梢種松龍鱗裂木神  
證不二其本戒先撥如何種梅手帶花掘土墾人云種  
可移我恐花或脫之子鄰奔園泉石賞佳絕姍姍綠夢  
華滿身紫薜髮翹犀三兩峯護影謝溜湴畫袖滿廚裝  
書卷連牀插藥鑪茗椀閒謂未足怡悅愛花斯愛梅得  
隴望猶渴丁寧語場師鴉背鋤堪揭陽瘴氣傲盈栽者  
培則發納納雁肩擔環環折腰掘綠華與素華微紅補  
其闕我思鋤用宏帶經重詒厥非種去必嚴門闌勿戕  
伐會當合耦興攜手趁農塋寄言海東頭鶴情抱孤潔  
招人梅花林幽鳴響夏夏

陸廷珪雙梧草堂圖

囊讀賈誼書惟梧號春木理細皮則青曰槻沂姬卜其  
花敷嫵黃其葉銳以縮囊鄂盛蕤蕤顛粒綴簇簇鳳凰  
必棲此梧桐名始屬彼桐種實蕃白者中琴錄別名爲  
華桐榮木著品自夏正三月時拂芭爛盈剝較之梧吐  
華氣候量遲速自來多識難二木誰辨族卑桐乃貴梧  
爾雅造精熟蒼梧野是巡青梧觀可築君家一畝陰植  
物醫五沃有堂署雙梧永日比濃綠散髻倚隱巖披矜  
招近局圖史左右閉清灑脫塵躡爾梧排堦參得一故  
未足梧桐異他桐場師審所蓄青桐苦不實荏桐夏瓜

祿起義聊望文桐者同所欲吾者吾所有三吾例堪續

笑問草堂靈說經太繁縟

爾雅槐梧卽今梧桐詩卷阿所指者是榮桐木  
材中琴瑟楚邱湛露所指者是泡桐油桐刺桐  
桐不一而觀獨名梧亦名梧桐餘桐皆不得名  
梧桐此以補邵二雲爾雅正義之闕

昭陽大淵獻

湖州徐研田因其室衣有墨漬作蝴蝶花草點

之孤固亭城從其姊乞得屬裱手翦作十六

幅裝冊自隨乞詩

羅浮蝴蝶好傳是葛仙衣爪或麻姑掠褰如錦帶圍鈴  
華痕欲化金粉迹偏非爲惜春衫浣旋看墨瀋揮深深

蟬翼隱簇簇繭絲飛游戲會何礙飄零竟不歸獨畱鍼  
線密似此畫圖稀有妨秋結急思親暑簟違恩勤愧蓋  
篋鄭重下鴛機摺疊從難弟裁量憶病闌裝成供展對  
夢醒記依微吾昨南園會悠悠感落暉

婿上海喬冷玉繩覆枝

白華後稿卷之四十

南滙吳省欽沖之篡

男敬樞星宰  
敬沐起元 校字

詩餘

摸魚子

題金庭書館

白沙堤背人遙指數重青靄何處赤闌橋底香津暗穩  
送木蘭枝艣春在否道前度桃花亂落霏紅雨商量小  
住又急管繁絃十分酣沸嬌聽燕鶯語 半弓好曲徑  
再尋芳路綠蘿梢搭檐柱絳垣一抹娑拖久目斷禁櫻  
丹注茵漸汗渾不信玉山頽了難撐拄拾瑤歸去念金  
馬門邊釣竿誰拂滄海碧珊瑚



金縷曲

肖濂寄玉帶鈎

一裏朱鈴重詔非簪非玦非環故人題送祇是玉鴉又  
挂畫不任裏花簾控經妙手百回勻薯移傍沈郎腰帶  
住和同心細結盤雲鳳扶寸耳粟痕凍 鶴樓仙笛橫  
江弄悵分襟五月梅花到今如夢射策藏鉤巴鼻少何  
日賜犀承寵有抱肚文章歷衆對影天然癡翳掃儘摩  
挈抵得連城用束身義效微諷

摸魚子

寄趙蓼花湖舫

枕書堂半奩湖鏡陰陰槐夏初曉柳梢蓉面嬌相倚祇  
愛數叢丹蓼花葉好禁不住蜻蜒翡翠飛飛繞颭風枝

嬈稱傳粉何郎清游畫舫一曲譜商調  
蘭波煖也帶折腰菱小露香微泣幽草尋常辦萼休持比粒粒細堆  
紅稻星月悄悄郭索橫行緊把珊瑚拗女霜收潦伴斷  
葦枯荷水天如墨惆悵令人老

疎影

用白石道人韻題魚伴槳孝廉梅邊吹笛

半湖寒玉趁一丸明月擷頭船宿拍拍輕鳧點破疎烟  
斷續有人吹竹年來懶蹋孤山路但攜向水南花北聽  
幾回裂石穿雲只似夜窗吟獨休把東風引到惹蘧  
堤芳草烘染晴綠仙骨如君消受蒼涼莫管陸居非屋  
自憐衣袖緇塵院久別了鶴樓殘曲算恁時香雪林邊

扶老共歎巾幅

桂枝香 又贈桂林小照

綠莎庭院對縹瘦湖嵌石郎生面此際秋光大好粟浮  
金爛分明鷺嶺龍宮路想昨夜露華勻綻團團幾樹飄  
飄幾陣萬香濃煎 是南國鄉園常見有蟠根奕葉一  
枝親薦白裕衫輕坐待月高忘倦嘔啞鷓送連蜷影悵  
鴻天斗竄畱玩芴牋黃賦今年準約小山吟讌

秋圃穫咏九關同人集聽鐘山房作

減蘭 咏蟲聲

零風碎雨豆葉黃時閒倚語欲咽還圓秋在疎砧斷角

邊 悽清四壁如助羈人長太息短幌疎檠寒上吟肩  
夢不成

桂殿香

咏秋蝶

烟漠漠雨紛紛羅浮五色是前身畫圖改盡春香老猶  
認花閒舊舞袿

風蝶令

咏牽牛花

夏露疑含淚當風怯寄生薄涼羅袂近三更一桁碧天  
如水怕初晴 豆蔻梢同展丁香子未成綠窗鄰女不  
勝情小立斷腸花外指雙星

賣花聲

咏楠

竹屋帶蘆菴八棱高探書成秋葉倚嬌酣不待青楓霜  
降後紅過江南 消渴思厭厭脂口痕甜天漿長是一  
囊舍卽便封題三百顆說甚黃柑

臺城路

咏豆花

芭蕉葉爛梧桐落蔬香遍圍籬舍棱短移苗棚低引蔓  
不耐綠雲如瀉明河昨夜正淡雨絲絲衰枝嬌姹分付  
畦童帽簷休便采盃把 田園幾時歸去對羅羅數點  
消受閒話淺愛塗黃輕嫌落墨除是徐熙能畫繁英歷  
架笑一頃爲其太無聊藉髮莢翻風待儂尋舊社

柳梢青

咏蒲堦

北泉南花也陪苜蓿也賽枇杷的龍睛垂垂馬乳一  
任渠誇 枝枝搭遍檐牙乞太守涼州去耶數串牟尼  
幾條絡索饑到吳娃

百字令

咏薑

春陰寒悄喜仙芽陽樸排籤勻放暈上柔尖紅未了一  
種玉纖無恙芋外分畦瓜邊接稜沙步連湖漲霜根試  
翦嶺南休數莖醬 第一螯蟹和鹽鱗鱸配豉風味渾  
難忘猜箇曹娥碑背字齋曰丁丁相向煮罷茶鐺調成  
藥裹底事添惆悵附書吳使柳家從擅新樣

桂枝香

咏茉莉

江邨遠渡見十里香泥蔓菁無數雅嘴鉏翻鵝卵團團  
齊吐土酥名字天然好訥嬌紅擘殘纖素連車高唱寒  
庖賤買食單同注 記廿載太湖東路有披蓑餅美歷  
糟着互冰齒仙漿也怕消梨含如咬春會裏腥羶夢倩  
何人井華淘取都籃盛了銀絲細切害他多許

買陂塘

咏葫蘆

大江東劫來長柄交交鴛頸迴曲幡幡翠葉孤懸處幾  
費蠶沙千斛看未足比楚女宮腰宛轉矜妝束媧媧塊  
獨照淡月蘆簾冷烟茅舍孤影抱蠶綠 幽風裏曾伴  
早秋葵菽枵然嘲取空腹去毛折以丁寧好龜飯行廚

漸熟差不俗，倩才思。崔徐依樣描橫幅，沈吟自卜待賣藥。長安壺天曠蕩，便入此中宿。

金縷曲

兩窗轉燠，山東時爲秋，待鶴卷旋移。漸移長蘆，兩辰季秋，索冠時距圓成。蓋

六年

云

商韻含寥廓，選青林綠。莎深處偶然行，腳好在玲瓏九華影。悄倚碧羅衫薄，任幾點澗花開落。肯付琵琶谷兒抹。

白詩谷兒抹琵琶

手。嬾嬾一卷來書閣，誰共老此邱壑。素

心只有元裝鶴，趁松梢尻高頸下。憺忘鳴啄，我未招卿卿識。我準向坐邊低掠，回首問二東華。誰重別西湖。經北海，仗仙高。延竚音塵託沙上，喚待儂約。



金縷曲 題雲波大司寇四友圖照

古院苔沉綠映深深百花濃處水羅襟  
禿葉葉枝枝團蓋擁  
悄倚石闌干曲斜埽影兩三竿竹  
蓮渚松灣何限好暗香邊薄綴梅含玉  
聊結伴憺幽獨山童擔到書盈簾  
趁圓陰捉蒲葵扇一開心目寶樹亭亭  
跼帶萼蔭取碧空如沐攜數卷露硃研  
讀畧記芭蕉生雪裏對天然  
因友消涼燠思穎尾企遐躅

百字令 爲方葆巖太夫人七月十七日七十壽

藕華紅綻問太液池邊何如西華繡棨門  
風排十二鳥鵲前橋駕隊引真妃  
室齋季女獻舞連枝栢月奩端

照珠樓已字闌下 轉憶鳳襍蝸髻學堂纔上梁木摧  
高廈憑仗魯陽戈一指迴駐羲輪三舍篝火青沉諾花  
丹暈辛苦從頭話後時躋頌認璇題字光射

百字令

司馬溶川河帥七十

人生七十道古來稀有今逢堯壽祇似鳩車嬉戲輩仰

戴日雲長書公繼成

企周少宰生六月十七

胡雲坡制府生六月廿坎

我聯

韓沈

蘭亭少司馬生十二月十三雲椒司歲已還加酉度生十二月十五弓生十二月十四

歲已還加酉

絳河疇昔彩斨天女容叩 如廿四考中書笙歌鐙火

瓜果圍紅袖那信樓臺無地起涑水家風依舊竹箭流

平桂蘭節近上賞頒功受小同經義德鄉傳說親授

白華後稿

卷四十

六

增上海喬詮玉繩覆校

墓志銘

同年總憲吳君冲之之將卒也語其子曰吾與王君德甫生同鄉 召試同爲中書出入同朝者四十餘年悉吾生平行事歿後必乞爲志墓之文旣卒其子奉遺命書來乞銘嗚呼君小余五歲余弱冠後取友於同郡之士先交君及趙君升之張君策時旣而又交君弟泉之及陸君健男相與磨切學問以文章爲己任其後六人者相繼通籍京師士大夫論松江人物者必舉此六人詩酒之會亦靡不從之而張君爲中書舍人早卒數年趙君殉難於金川 贈光祿寺卿又數年陸君以副都

御史奉使歿於遼陽館舍惟余與君兄弟更踐中外今  
泉之以學士尙在京師而余與君皆久歸鄉里相距一  
舍有餘方幸扁舟過從踐東阡北陌之約且君精力尙  
強而乃遽以疾終嗚呼雖微君之末命余何忍不銘按  
君名省欽號白華冲之其字松江南滙人少英敏善屬  
文年十七爲諸生明年補廩乾隆二十二年

高宗純皇帝南巡獻賦 召試 賜舉人授內閣中書  
二十八年成進士改庶吉士三十一年散館一等第二  
授編修三十三年 大考翰詹一等第一擢侍讀尋充  
日講起居注官遷右庶子四十四年遷學士四十九年

陞光祿寺卿 命在上書房行走明年陞順天府尹君  
以京兆治輦轂所轄二十七州縣政事繁重恐在內  
廷不能兼顧請辭書房之職

上是之又六年陞禮部侍郎調工部又六年調吏部是  
年三月充 經筵講官嘉慶二年陞都察院左都御史  
後二年因保舉非人遂罷職君在翰林二十餘年以文  
學詞賦爲

聖主所知己丑辛卯壬辰充會試同考者三戊子充貴  
州正考官庚寅充廣西正考官辛卯充湖北正考官壬  
子充江西正考官己亥甲寅乙卯充浙江正副考官者

三癸丑爲會試總裁丙午順天鄉試監臨乙卯充 殿  
試閱卷官派教習庶吉士者三提督四川湖北直隸學  
政者四君歷主鄉會試所錄多知名之士迄今侍從臺  
諛及躋通顯者甚衆任學政教士子以博文好學不惑  
於時尚士子亦多樂而從之作詩本杜韓蘇三家古文  
本韓柳孫樵劉蛻及北宋諸名家刻琢凝練援引精密  
詩詞文共六十卷生平遇 國家大典禮所進詩文各  
冊如說雍說壽諸篇皆蒙 嘉獎留貯 內府鈐以  
御寶時人咸以爲榮

今上登極舉行千叟宴典禮君年止六十有八未合例

已奉 特旨令入宴 賜如意壽杖等凡十六種又每  
年春正 重華宮賦詩小宴惟大學士及內廷諸臣君  
亦皆參預至新刻石經勒成外廷二品皆不得與又蒙  
特旨賞賜皆非常之典也其餘所 賜字畫古硯朝珠  
紗緞等不能勝計君歸後嘗摩挲 賜物至於泣下蓋  
追念

兩朝知遇之隆逾於常格故雖以殘年暮景尤感激而  
不能自己也君生於雍正七年某月某日卒於嘉慶八  
年六月某日年七十五歲曾祖燧祖啓秀父成九皆積  
學有行誼累贈工部侍郎曾祖妣某氏祖妣某氏妣某



氏累封贈夫人妻查氏封亦如之先卒弟卽泉之名省  
蘭前官工部侍郎今爲翰林院侍講學士長子敬樞例  
得二品廕生次子敬沐尙幼女二人孫一人樹榮卽於  
是年十月某日葬於婁縣白漾灘之原嗚呼自張趙陸  
三君之葬余皆志而銘其墓今余年八十矣追維生平  
笑言之雅顯顯然如在目中飾巾待盡猶執筆而敘君  
之生平以傳於後曹子桓云旣傷逝者行自念也斯尤  
可深悼也已銘曰白漾之水清而泚佳城鬱鬱封于是  
九原不作今已矣君子有穀貽孫子青浦王昶